

Карантиндік түрлерді қоспағанда, орманның аса қауіпті зиянкестері мен ауруларының тізбесін және оларға қарсы күрес қағидаларын бекіту туралы

Күшін жойған

Қазақстан Республикасы Үкіметінің 2012 жылғы 20 шілдедегі № 952 Қаулысы. Күші жойылды - Қазақстан Республикасы Үкіметінің 2020 жылғы 23 қыркүйектегі № 603 қаулысымен (алғашқы ресми жарияланған күнінен кейін күнтізбелік он күн өткен соң қолданысқа енгізіледі)

Ескерту. Күші жойылды - ҚР Үкіметінің 23.09.2020 № 603 қаулысымен (алғашқы ресми жарияланған күнінен кейін күнтізбелік он күн өткен соң қолданысқа енгізіледі).

Қазақстан Республикасының 2003 жылғы 8 шілдедегі Орман кодексінің 12-бабының 17-3) тармақшасына сәйкес Қазақстан Республикасының Үкіметі **ҚАУЛЫ ЕТЕДІ:**

1. Қоса беріліп отырған:

- 1) "карантиндік түрлерді қоспағанда, орманның аса қауіпті зиянкестері мен ауруларының тізбесі;
- 2) Карантиндік түрлерді қоспағанда, орманның аса қауіпті зиянкестері мен ауруларына қарсы күрес қағидалары бекітілсін.

2. Осы қаулы алғашқы ресми жарияланған күнінен бастап күнтізбелік он күн өткен соң қолданысқа енгізіледі.

Қазақстан Республикасының
Премьер-Министрі

К. Мәсімов

Қазақстан Республикасы
Үкіметінің
2012 жылғы 20 шілдедегі
№ 951 қаулысымен
бекітілген

Карантиндік түрлерді қоспағанда, орманның аса қауіпті зиянкестері мен ауруларына қарсы күрес қағидалары

1. Жалпы ережелер

1. Осы Карантиндік түрлерді қоспағанда, орманның аса қауіпті зиянкестері мен ауруларына қарсы күрес қағидалары (бұдан әрі – Қағидалар) Қазақстан Республикасының 2003 жылғы 8 шілдедегі Орман кодексінің 12-бабының 17-3) тармақшасына сәйкес әзірленген және карантиндік түрлерді қоспағанда,

орманның аса қауіпті зиянкестері мен ауруларына қарсы күрес тәртібін белгілейді.

2. Орманның аса қауіпті зиянкестері мен ауруларына қарсы күресті орман иеленушілер олардың жаппай көбейіп кетуі мен таралуының алдын алу, олардан болатын залалды қысқарту және орман қоры аумағында қолайлы санитариялық жағдайды қамтамасыз ету мақсатында ормандардың жай-күйіне теріс әсер етпейтін тәсілдермен және әдістермен жүзеге асырады.

3. Орманның аса қауіпті зиянкестеріне және ауруларына қарсы күрес жөніндегі іс-шараларды орман иеленушілер жыл сайын белгілейді және қажеттілігіне қарай түзетіледі.

4. Орман қорғау іс-шараларының көлемін бөлу ормандардың зақымдану мерзімі мен ерекшеліктері, орманның аса қауіпті зиянкестері мен ауруларының биологиясы ескеріле отырып жүргізіледі.

5. Орманның аса қауіпті зиянкестері мен ауруларына қарсы күрес жөніндегі іс-шаралар:

1) орманның аса қауіпті зиянкестеріне және ауруларына орман-патологиялық мониторингін;

2) орманның аса қауіпті зиянкестері мен ауруларының ошақтарын жою жөніндегі іс-шаралардың мерзімі мен көлемін, сондай-ақ оларға қарсы күресу үшін қаржы қаражатының қажеттілігін анықтауды;

3) орманның аса қауіпті зиянкестері мен ауруларының ошақтарын жою жөнінде іс-шаралар жүргізуді қамтиды.

6. Мемлекеттік орман қоры учаскелерінде орманның аса қауіпті зиянкестеріне және ауруларына қарсы күрес жөніндегі іс-шараларды қаржыландыру Қазақстан Республикасы Орман кодексінің 110-бабына сәйкес жүзеге асырылады.

7. Орманның аса қауіпті зиянкестері мен ауруларының ошақтары 1 мың гектарға дейін мемлекеттік орман қоры аумағына таралған жағдайда оларды жою жөніндегі іс-шаралар жергілікті бюджеттің қаражаты немесе орман шаруашылығы мен ерекше қорғалатын табиғи аумақтар саласындағы мемлекеттік мекемелер тауарлар (жұмыстар, қызметтер) өткізу жөніндегі ақылы қызмет түрлерін көрсетуден алған қаражат есебінен жүзеге асырылады.

8. Орманның аса қауіпті зиянкестері мен ауруларының ошақтары 1 мың гектардан астам мемлекеттік орман қоры аумағына таралған жағдайда оларды жою жөніндегі іс-шаралар республикалық бюджеттің қаражаты есебінен жүзеге асырылады.

9. Жекеше орман қоры учаскелерінде орманның аса қауіпті зиянкестеріне және ауруларына қарсы күрес жөніндегі іс-шараларды қаржыландыру жекеше орман иеленушінің есебінен жүзеге асырылады.

2. Орманның аса қауіпті зиянкестері мен ауруларына орман-патологиялық мониторинг

10. Орман-патологиялық мониторингті орман иеленушілері орманның аса қауіпті зиянкестері мен ауруларының ошақтарын анықтау, олардың дамуы мен таралуына болжам жасау, орман қорғау іс-шараларын жүргізу мерзімі мен көлемін анықтау мақсатында жүргізеді.

11. Орман-патологиялық мониторинг орманның аса қауіпті зиянкестері мен ауруларының дамуының бүкіл фенологиялық кезеңі бойы жүргізіледі.

12. Орман-патологиялық мониторинг орман қорының жай-күйін қадағалау арқылы жүргізіледі және орманның аса қауіпті зиянкестері мен ауруларының ошағы туралы ақпаратты жинауды, талдауды және пайдалануды қамтиды.

3. Орманның аса қауіпті зиянкестері мен ауруларының ошақтарын жою жөніндегі іс-шаралардың мерзімі мен көлемін, сондай-ақ оларға қарсы күресу үшін қаржы қаражатының қажеттілігін анықтау

13. Орманның аса қауіпті зиянкестері мен ауруларының ошақтарын жою жөніндегі іс-шаралардың мерзімі мен көлемін, сондай-ақ оларға қарсы күресу үшін қаржы қаражатының қажеттілігін орман иеленушілер орман-патологиялық мониторингтің және оның нәтижелері бойынша жасалған болжамдардың негізінде айқындайды.

14. Орман иеленушілер орман қорғау іс-шараларының мерзімі мен көлемін анықтаған кезде мемлекеттік орман қорының санаттары, орманның аса қауіпті зиянкестері мен ауруларының биологиясы мен даму кезеңдері, экономикалық және экологиялық орындылық көрсеткіштері ескеріледі.

15. Орман иеленушілер орманның аса қауіпті зиянкестері мен ауруларының ошақтарын жою жөніндегі іс-шаралардың мерзімі мен көлемін, сондай-ақ оларға қарсы күресу үшін қаржы қаражатының қажеттілігін анықтаған кезде осы Қағидалардың қосымшасына сәйкес карантиндік түрлерді қоспағанда, орманның аса қауіпті зиянкестері мен ауруларының ошақтарын жою жөніндегі іс-шаралар жоспарын жасайды.

4. Орманның аса қауіпті зиянкестері мен ауруларының ошақтарын жою бойынша іс-шаралар жүргізу

16. Орманның аса қауіпті зиянкестері және ауруларының ошақтарын жою жөніндегі іс-шараларды оларды химиялық және биологиялық препараттар арқылы жер үсті немесе авиациялық тәсілдермен өңдеу, энтомофагтар мен

феромондар қолдану, сондай-ақ орманды санитариялық мақсатта кесу шараларын жүргізу жолымен орман иеленушілер жүзеге асырады.

17. Орманның аса қауіпті зиянкестері мен ауруларының ошақтарын оларды химиялық және биологиялық препараттармен өңдеу жолымен жою жөніндегі іс-шараларды жүзеге асыру кезінде Қазақстан Республикасының аумағында қолдануға рұқсат етілген пестицидтер (улы химикаттар) пайдаланылады.

18. Ерекше қорғалатын табиғи аумақтарда орманның аса қауіпті зиянкестері мен ауруларының ошақтарын жою жөніндегі іс-шаралар олардың қорғау режимдері ескеріле отырып жүргізіледі.

Карантиндік түрлерді қоспағанда,
орманның аса қауіпті зиянкестері мен
ауруларына қарсы күрес қағидаларына
қосымша

Карантиндік түрлерді қоспағанда, орманның аса қауіпті зиянкестері мен ауруларының ошақтарын жою жөніндегі іс-шаралар жоспары

Р/с №	Орман иеленушінің атауы	Орман-патологиялық мониторингпен қамтылған орман қоры аумағының алаңы, га	Орманның аса қауіпті зиянкестерімен және ауруларымен зақымданған орман қоры аумағының алаңы, га	Жоспарланып отырған орман қорғау іс-шараларының атауы	Орман қорғау іс-шараларының көлемі	Орман қорғау іс-шараларын жүргізу мерзімі	Орман қорғау іс-шаралар жүргізу үшін қажет қаржы қаражатын көлемі, мь теңге
1	2	3	4	5	6	7	8

Қазақстан Республикасы
Үкіметінің
2012 жылғы 20 шілдедегі
№ 952 қаулысымен
бекітілген

Карантиндік түрлерді қоспағанда, орманның аса қауіпті зиянкестері мен ауруларының тізбесі

- Орманның аса қауіпті зиянкестері:
 - алма күйесі (*Yponomeuta malinellus* Zell);

- 2) еменнің жасыл жапырақ ширатқышы (*Tortrix viridana* L.);
- 3) қыс мұркөбелегі (*Operophtera brumata* L.);
- 4) долана көбелегі (*Aporia crataegi* L.);
- 5) раушан жапырақ ширатқышы (*Cacoecia rosana* L.);
- 6) жасыл жапырақ ширатқыш (*Pandemis chondrillana* H-S.);
- 7) қарағайдағы ашытқы көбелегі (*Sphinx pinastri* L.);
- 8) қарағай көбелегі (*Panolis flammea* Schiff);
- 9) қарағай мұркөбелегі (*Bupalus piniarius* L.);
- 10) монашенка жібек көбелегі (*Lymantria monacha* L.);
- 11) қарағайдың жібек көбелегі (*Dendrolimus pini* L.);
- 12) қарағайдың кәдімгі егеуіші (*Diprion pini* L.);
- 13) қарағайдың жирен егеуіші (*Neodiprion sertifer* Geoff);
- 14) жұлдызшалы тоқығыш-егеуіші (*Acantholyda posticalis* Mats);
- 15) қызылбасты тоқығыш-егеуіші (*Acantholyda erythrocephala* L.);
- 16) көктерек айдарлы көбелегі (*Pheosia tremula* Clerck);
- 17) қарағаштың аяққұйрықтысы (*Uropus ulmi* Schiff);
- 18) қайыңның үлкен егеуіші (*Cimbex femorata* L.);
- 19) қайыңның жібек көбелегі (*Endromis versicolora* L.);
- 20) күмісай ойықты көбелек (*Phalera bucephala* L.);
- 21) үлкен гарпия (*Cureta vinula* (*Dicranura vinula*) L.);
- 22) садақша-қоян көбелегі (*Acranicta leporine* L.);
- 23) садақша- пси көбелегі (*Acranicta psi* L.);
- 24) қандағаш айдарлы көбелегі (*Notodonta dromedaries* L.);
- 25) талдың қалың қабырғалы егеуіші (*Pontania proxima* L.);
- 26) шыршаның жалған қалқаншалы сымыры (*Physokermes piceae* Schr.);
- 27) шыршаның кіші жалған қалқаншалы сымыры (*Physokermes hemicryphus* Dalm);
- 28) қарағаштың жапырақ жемірі (*Galerucella luteola* Mull.);
- 29) балқарағай ашытқы көбелегі (*Hyloicus morio* Rotsch et Jord);
- 30) жаламан мұркөбелегі (*Erannis defoliaria* Cl.);
- 31) сексеуілдің көгілдір жапырақ бүргесі (*Caillardia azurea* Log.);
- 32) жалған талқаншалысы (*Acanthopulvinaria orientalis* Ness.);
- 33) галлица (*Halodiplosis vernalis* Marik);
- 34) штакелберг галлицасы (*Halodiplosis stackelbergi*);
- 35) алтытісті қабық жегіші (*Ips sexdentatus* B.);
- 36) гауэр қабық жегіші (*Ips hauseri* Reit);
- 37) бұр қан көбелегі (*Dioryctria abietella* Schiff);

- 38) қоңыр жолақты жібек мұркөбелегі (*Lycia hirtaria* Cl.).
2. орманның аса қауіпті аурулары:
- 1) қайыңның бактерия шемені (*Erwinia multivora*);
 - 2) карағаш тұқымдастылардың голландық ауруы (*Ophiostoma ulmi* Nann);
 - 3) көктеректің жалған ағашқұлағы (*Phellinus tremulae*);
 - 4) карағайдың кәдімгі шюттесі (*Lophodermium seditiosum*);
 - 5) шыршаның кәдімгі шюттесі (*Lophodermium macrosporum*);
 - 6) алма таз қотыры (*Venturia inaequalis*);
 - 7) өскіннің жапырылып қалуы (*Fusarium*);
 - 8) карағайдың көпіршікті таты (*Cronartium ribicola* Diet);
 - 9) карағайдың шайырлы ісігі (*Peridermium pini* Kleb);
 - 10) қарлы шюттесі (*Phacidium infestans*);
 - 11) карағай сабағының сынуы (*Melampsora pinitorqua* A. Braun);
 - 12) жапырақты ағаш тұқымдастарының сатылы ісігі (*Nectria galligena*);
 - 13) жапырақты ағаш тұқымдастарының туберкулярлы некрозы (*ubercularia vulgaris*);
 - 14) шырша бүрінің тат ауруы (*Chrysomyxa pirolae* Rostr.).